



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. V. Capitel.

urn:nbn:de:hbz:466:1-34848

Euangelion

meister / fragestu nichts darnach / das wir verderben? Vnd er stund auff / vñ bedrawete den windt vñ sprach zü dem meer / schweig stil / vñ verstüme / vnd der wind leget sich / vñ ward ein grosse stille / vñ er sprach zü in / wie seid jr so forchtsam? wie das jr keinen glauben habt? vnd sy forchten sich seer / vnd sprachen vnderinander / wer ist der? denn wind vnd meer ist jm gehorsam.

Das. V. Capitel.

^a **V**nd sy kamen iensit des merz: in die gegend der Gadarener / vñ als er vñ dem schiff trat / lieff jm als bald entgegen vñ den grebern / ein mensch besessen von einem vnfaubern geist / der seine wouung in den grebern hatte / vñ niemand kunde in binden / auch nit mit ketten denn er war oft mit fesseln vnd ketten gebunden gewesen / vnd hatte die kett zürissen vnd die fessel zü riben / vñ niemand kunde in zemen / vnd er war alle zeit / beide tag vnd nacht vff den bergen vñ in den grebern / schreyend / vñ schlüg sich mit steinen / da er aber Jesum sahe von ferns / lieff er zü vnd fiel für in nider / schrey laut / vnd sprach / was hab ich mit dir zü thun? O Jesu du sündes aller höchsten / ich beschwöre dich bey gott / das du mich nit quellest / Er sprach aber zü jm / faren vñ du vnfauber geist von dem menschen / vñ er fraget in wie heissestu? vnd er antwort vnd sprach / legion heis ich / denn vnser ist sil / vnd er batt in seer / das er sy nit vñ der selben gegend tribe.

^b Vnd es war da selbs an den bergen / ein grosse herd seuwe an der weyde vnd die teuffel batten in alle / vñ sprachen / laß vns in die sew faren / vñ als bald er laubt in Jesus / Da füren die vnfaubere geyste vñ / vñ füren in die sew / vñ die herd stozt sich mit einem sturm in seer / Es war aber bey zwey tausent / vnd ersoffen im meer / vnd die hirten flohen vnd verkündigeten das in der statt / vnd vñ dem land / vnd sy gieng hin vñ zü sehen / was da geschehen war / vnd kamen zü Jesu / vnd sahen den besessenen der die legion gehabt hatte das er saß vñ war bekleidet / vnd vernünfftig vnd forchten sich / vnd die es gesehen hatten / sagten in / was dem besessenen widerfaren war / vnd von den sewen / vnd sy siengen an vñ batten in / das er vñ jr gegand züge / vñ da er in das schiff trat / bat in der besessenen / das er möcht bey jm sein / Aber Jesus lief es jm nicht zü / sonder sprach zü im gang hin in dein huf vñ zü den deinen / vñ verkündige in / wie grosse wolthat dir der herr than / vnd sich dein erbarmet hat / vnd er gieng hin / vñ sieng an vñ rüffen in den zehen stetten / wie grosse wolthat jm Jesus than hatte / vñ yederman verwundert sich.

^c Vnd da Jesus wider hin über für im schiff / versamlet sich vil volcks zü jm / vnd war an dem meer / vñ sihe / da kam der obersten einer vñ der schule / mit namen Jairus / vñ da er in sahe / fiel er jm zü füßen / vnd batt in seer / vñ

vnd sprach/mein tochter ist in den letzten zügen / du wöllest kommen / vnd deine hand vff sy legen / das sy gesund werde vñ lebe / vnd er gieng hin mit im / vnd es folget im vil volcks nach / vnd sy drungen in.

Vnd da war ein weib / das hatte den blütgang zwölff jar gehabt / vñnd vil erlitten von vilen ärzten / vnd hatte all ir gütt drob verzeret / vnd halff sy nichts / sonder vil meer ward es erger mit ir / da die hoite von Jesu / kam sy im volck / von hinten zü / vnd rürete sein kleid an / den sy sprach / wen ich nur sein kleid möcht anrüren / so würd ich gesund / vnd als bald vertruck er der brunn irs blüts / vñnd sy fület am leybe / das sy war gesund worden von irer plage.

Vñnd Jesus fület als bald an im selbs die krafft die von im vff gangen war / vnd wand sich vmb vnder dem volck / vnd sprach / wer hat mein kleid angerüret / vnd die jünger sprachen zü im / du sihest das dich das volck dringet vnd sprichst / wer hat mich angerüret / vñnd er sahe sich vmb nach der die das than hatte / dz weyb aber fürchtet sich / vñ zittert / den sy wüiste woz an ir geschehen war / kam vnd fiel vor im nider / vñ saget im die ganze warheit / er sprach aber zü ir / mein tochter / dein glaub hat dich gesund gemacht / gang hin mit friden / vnd sey gesund von deiner plage.

Da er noch also redet / kam etlich zü dem obersten der schüle / vnd sprach / dein tochter ist gestorbe / was mühestu weyter den meister / Jesys aber höret bald die rede die da gesagt ward vñ sprach zü dem obersten der schüle / fürcht dich nit / glaub nur / vnd ließ niemant im nach folgen / den Petren vnd Jacoben vñnd Johannem seinen brüder / vñnd er kam in das huß des obersten der schülen / vnd sahe das getümmel / vñnd die da seer weineten vnd heuleten / vnd er gieng hinein / vnd sprach zü inen / was tummelt vnd weinet ir / das kind ist nicht gestorben / sonder es scylefft / vnd sy verlachten in / vnd er treybt sy alle vff / vñnd nam mit im den vatter des kinds vnd die mütter / vnd die bey im waren / vñnd gierg hinein / da das kind lag / vnd er greiff das kind bey der hand / vnd sprach zü ir / Thabitha kumi / das ist verdolmetsetzt / Meidlin / ich sage dir / stand vff / vnd als bald stund das meidlin vff / vñnd wandelte / Es war aber zwölff jar alt / vnd sy entsatzten sich über die mas / vnd er verbot in hart / das es niemant wissen solte / vnd saget / sy solten ir zü essen geben.

Das. VI. Capitel.

Vnder gieng auß von dannen: vnd kam
 in sein vatter landt / vñnd seine jünger folgeten im nach / vnd da
 8 Sabbath kam / hñb er an zü lere in irer schüle / vnd viel die es hö
 reten / verwunderten sich seiner lere vñnd sprachen / wo her kompt den
 solchs / vñnd was weisheit ist / die im geben ist / vñnd solch thatten die
 durch seine hende geschehen: ist er nit der zymmerman Marien sün / vñnd
 der brüder Jacobi vnd Joses vnd Jude vñ Simonis: sind nicht auch sei
 ne schwestern alhie bey vns: vnd sy ergerten sich an im. Jesus aber sprach
 E iij zü in/

Matth. 13.
Luce. 4.
Ioh. 4.